



Kaupapa
Miharo

Wero
Hiko

Ngohe 1.3: Ngā waka hererapa


Kāore e taea te pūngao te waihanga, te whakakore rānei, engari ka taea te whakawhiti!

Hoahoatia tētahi hanganga o tētahi waka iti, ā, tūhuratia te āhua o
tā te pūngao whakawhiti i tētahi tūmomo pūngao ki pūngao kē.


Me whai koe i ēnei mea:

- Kia 3 ngā rākau rarepapa
- Kia 1 te hererapa
- Kia 2 ngā pūrou rākau
- Kia 1 te ngongo kirihou
- Kia 4 ngā taipoki pātara,
ētahi mea rānei e rite ana hei wira
- He hāpiapia, he kutikuti,
he kāpia wera
- He rūri, he taura ine rānei


Hei mahi 1: Hangaia te anga o te waka




- Whakapiria ētahi rākau aihiparaka e rua ki te kāpia, kia rite ki te "V" te āhua




- Whakapiria tētahi rākau aihiparaka tuatoru ki waenga o te "V", kia 2 mitarau te kōturetanga mai i te pūtaka o te "V"



- Whakapiria tētahi rākau aihiparaka anō, kia huapae te takoto mai, kia tata hoki ki te tihi o te "V", ā, me whakawhiti ngā rākau e toru




- Tapahia te mutunga o te rākau o waenga




- Waiho te kāpia kia mārō, ka haere tonu ai

Hei mahi 2: Tāpiria ngā paewira




- Tapahia tētahi wāhanga o tētahi ngongo, kia 5 mitarau te rahi, ā, whakapiria ki te kāpia ki te pūtaka o te "V", ki te wāhanga e hono ai ngā taha e rua




- Tapahia ētahi wāhanga o tētahi ngongo, kia 2.5 mitarau te rahi, ā, whakapiria ki ngā taha e rua o te tihi o te "V"


Hei mahi 3: Tāpiria ngā wīra




- Tukua tētahi pūrau mā roto i te ngongo kei te pūtake o te "V"




- Tukua tētahi atu pūrau mā roto i ngā ngongo e rua kei te tihi o te "V"



- Tapahia ngā pūrau kia kore ai e roa rawa, engari kia rahi tonu hei tāpiri i ngā wīra




- Tāpiria ngā wīra ki ngā taha e rua o ngā pūrau mā te wero i ngā pūrau ki waenganui, mā te whakamahi rānei i te kāpia weraa




- Whakamātauria te pai o ngā wīra ki te pīrori, ka haere tonu ai


Hei mahi 4: Hangaia te pūkaha hererapa




- Tāpiria tētahi pito o te hererapa mā te whakamahi i te kāpia wera ki te pūtake o te "V", ki te wāhi e kōture mai ana te rākau ahiparaka



- Tapahia tētahi wāhanga o tētahi rākau ahiparaka, kia 1.5-2 mitarau te rahi, ā, tāpiria ki waenga o te pūrau kei te tihi o te "V"




- Ko te pūtake o te "V" te ihu o te waka ināiane




- Waiho te kāpia kia mārō, ka haere tonu ai


Hei mahi 5: Kua rite!



- Torona te hererapa ki muri o te waka, ā, herea ki te wāhanga iti o te rākau ahiparaka e kōture mai ana



- Herea te hererapa ki te paewīra mā te pana whakamuri i te wāhanga o te rākau ahiparaka



- Kia rite rā koe, hoatu te waka ki tētahi papa papatahi, ā, tukua te waka kia haere!

Inea te tawhiti o te haere o ia waka ki te rūri

Ingoa o te rōpū	Te tawhiti o te haere (mitarau)	Ngā kitenga

He aha ngā whakawhitinga pūngao e puta mai ana?

Whakakāia ngā āputa ki ngā tūmomo pūngao.

Pūngao oro

Pūngao neke

Pūngao kūtorotoro

Pūngao pōkākā

Te hererapa kua torohia:



Te waka i tukua:

+

+

He aha ngā āhuatanga i tawhiti ake ai, i tere ake ai rānei te haere o tō waka?